

## Nuutsbreef, januari/februari 2023

*Bèste Veldeke minse,*

### **1. Flitscursus spelling: herinnering.**

Op deze bönnekort te bezeuke Veldeke aovendj informeertj Piet Aben uch äöver de aafspraoke die ten aanzien van 't sjrieve van 't L:imburs door 'n commissie van Veldeke Limburg zeen gemaaktj. De basisregels zeen henjig óm te wete es se get in dien eige dialek wils sjrieve en daobie neet mer 'ne slaag in de loch te doen. Leje kènne gewuuen kómme aanstaondje vriedig 3 febr. óm 19.00 oer in de fanfarezaal achter de Pejjehaof. Ingank via de parkeerplaats langs de Lidl. Kosj 6 euro, woväör ouch 'n tas kóffie.

### **2. Ouch dit jaor nao de Echter Revue.**

Wie g'r al ín 't jaorprogramma 2023 höbtj kènne zeen, beje w'r ouch dit jaor weer de mäögelikheid óm mit Veldeke nao de Echter Revue te gaon taeghe 'ne aangepasjde pries. Die väörstelling is op zóndig 16 april óm 18.00 oer. De korting weurtj toegepasj es g'r kaarte via VKE bestèltj en allein väör dae datum. Bestèlle kan door 11,50 per kaart äöver te make op raekeningnummer NL 65 RABO 0138 6319 64 mit vermelding van 't lidnummer (achter op Veldeke Bekèt, baove eure naam). Det kan tót uterlik 1 april.

De kaarte krig g'r op dae daag van ós bie de ingang van 't Euro-Detach Tejater es g'r "Ech, d'n draod kwiet" dao gaontj bezeuke. W'r winse uch vas väöl plezeer.

### **3. Leje make leje.**

Ouch 'n vereniging wie Veldeke Krink Ech haet leje nuuedig óm te kènne bestaon en 'n good aanbod van activiteite te blieve beje. Nao de uterst geslaagdje aovendj äöver de Kölner Karneval is d'r wellich 'n gooj gelaegenheid dao mit vrunj of kènisse 'ns äöver te kalle en hun aan te bevaele èns 'n jaor lid te waere. 'n Insjriefformeleer is te vènje op [www.veldekekrinkech.nl](http://www.veldekekrinkech.nl), mer kan ouch via [info@veldekekrinkech.nl](mailto:info@veldekekrinkech.nl): mit naam en adres.

### **4. Aanpassing programma.**

De "literaire aovendj", in 't jaorprogramma noe nog aangekondigdj op woonsdig 19 april weurtj versjaove nao woonsdig 14 juni. Op 19 april kömtj dao w'rsjenlik get anges väör in de plaats in samewirking mit Veldeke Belsj. Verdere informatie in oos volgendje Veldeke Bekèt.

*Vruntjelike groete names 't bestuur,  
Ton van Wegberg.*